

Tamen lle damos a mais compreta n-hora boa o Sr. D. Marcelo Macias pol-as xustas alabanzas de que foi ouxeto con motivo d'o panexirico que pronunció n-a Cruña o 3 d'Agosto.

Según lemos n-os periódicos o Auntamento ten-o bon acordo d'imprimilo.



Di *El Diario Mercantil de Zaragoza* qu'unhos cantos fumadores d'a terra d'Aragón e Cataluña en vista d' mala calida y-o caro qu' é o tabaco d'a compañía encargada de dalo, teñen de mentras xuntarse, e' o fin de tratar d'o asunto e facer unha *huelga* xeneral de fumadores n-aquelas terras.

Aquí tedes meus lectores unha *huelga* a que todol-os que fumades debíades d'axudar.

E sobre todo és que gastades de tagarninas abaixo.

Pro non deben de ter muito sentimento, porqu' o fin aló en Alemania di que fuman por tabaco verdadeiro máis de mil barricas de folla de remolacha e d'achicoria.

Os de, por aco inda poden facer unha espirencia.

A ver si se fai tabaco con follas de pataca.

Y-estonces pagarl' A MONTEIRA os dreitos d'o invento.



O gobernador civil de Tarragona multou nada menos que n-a pequena cantidá de cen pesetas o peródico *El Municipio*.

Non é cousa pia que poida causarnos es-trañeza.

Sabendo o ben que sempre tratan os gobernos ós *municipios*,

D' o pior que poden.



Un d' os xueces municipales d'a vila e corte de Madril presentou querella contr' o xuez de primeira instancia d' o Oeste.

A querella está fundada en que pol-o visto non andaba todo o dilixente que debía en adiministrál-a xusticia.

And' a xusticia revolta.

Malo.



D'o trece, de Xunio de mil oitocentos ochenta e nove ó sete de Xulio de mil oito-

centos noventa, houbo, n-o Senado, duas-centas sesións públicas e oito sacretas, fixeron vinteseis interpelaciós e trescentas dúas preguntas.

Levaron á sanción d'a Reina cento trinta e seis leixes.

D'elas cincuenta e dúas foron de carreteras e trinta e unha de ferros-carris.

¡Oh! por eso correron tanto.

O qu'abofellas é d'extrañar sendo tan pouco sabidos como deben ser.

Porqu'a verdá trescentas dúas preguntas e algo muito.

Que queda pr'os pequenos d'a escola?



O concruir o manifico baile que den a antusiasta *Sociedad Sporting Club* d'a Cruña cando inaugurou o *Kiosko* dician unhas mulheres.

Bon estivo o baile d'o *esparto crudo*.

E di a esto con muita razón un peródico d'a Cruña.

«Inconvenientes de adoptar nombres ingleses siendo tan rica la lengua de Cervantes.»

Conformes pro de toda conformidá.

Case o mesmo dixemos nosoutros cando s'estabreceu dita aristocráteca sociedade.



N-as listas d'os eleutores pra deputados, que puxeron n-a porta d'o auntamento de Cadiz, pegaron as cabras co-elas, comeron tres priegos e medeo.

¿Xa escornan n-os eleutores?

Pois hastro d'agora inda é cedo



Pol-o que di un peródico, a cinco centos o chegou o número de cartas que mandaron d'a Cruña a Madrid pidindo empregos.

Verdá e que non son muitos os que queren deixalo purgatorio pra pasar ó ceo.

NOVA BARBERÍA

Por disolvers'a sociedade d'os hirmaus Verin, Francisco, o mais novo d'eles, participa ós seus parroquianos que acaba d'abrir un novo establecemento de peluqueria e barbería n-a Praza Maor, número 28, baixos d'a casa d'o Sr. Pereira.